

丹魁堂詩集

韓子云古人得其時行其道則無所爲書夫菴獨臆弱
道足以信今而傳後奚必與一介寒蹇之士角名聲而
爭長短哉然觀唐宋名臣各有專集蓋因其人以重其
詩文因其詩文以窺其人之蘊蓄彼雖見用當世而猶
有不竟其用者可於是尋繹而得之也吾師江陰尙書
季公年四十餘而後登上第其在場屋久所爲詩文高
華沈博旣已掩羣士而直追古人矣登第未幾詞賦動
九重峻擢清華掌衡才者無虛歲人以謂文人之瑰傑
極文章遇合之榮而實非公所以自命也公於未通籍
時博觀天下之事勢於凡事物之條理分判節度迎刃

輒解坐照乎其先善持乎其後轉徙變化無不曲盡其
高識偉抱精敏卓練有過絕乎人者

先皇帝灼知之故於其爲卿貳也任以使命之重剴決
繁猥之能敷厯封疆之寄而卽俾入贊中樞中樞密勿
襟要事無所不統雖在六卿之貳一直樞機猶眞宰相
視唐北門學士寵信同而權任過之公方欲大有發摠
會兩粵軍興郵書旁午

天子念海疆重地命公以大司馬出督閩浙之官未久
而疾作屢起屢病堅請得解組遭時多故不獲優游林
泉惟與二三老友更迭唱和以抒其感憤無聊之概嘗

郵示近句云頗聞門下紆長策深盼江干報捷書蓋公所願竭誠以答

兩朝知遇之恩者無閒乎內外遠邇養疴里居憂時彌篤此天下士所由仰望於一出以竟其用而欲求公述作窺公志之所存也公手訂所爲詩凡五卷合若干篇命青藜序之青藜偶一爲詩未能窺古人堂奧何足以序公詩顧念自鄉舉出公門下久承訓迪又重之以婚姻然則公之詩讀者自能得之公之清介特立而於世惓惓無已之心惟親炙者能言之尤願讀公詩者想見之也門下士德化萬青藜謹序

奉題丹魁堂詩集

翰墨場中老折肱蓬壺頂上舊飛昇
名章俊句無多祕傳與人閒總服膺

江山萬里豁雙目英簃十季半九州最是高名彌海岱

到今鄒魯說風流

自癸巳至癸卯師六掌文衡而在山東兩任爲最久詩亦在山東較富

西征舊事痛瀧阡念祖仍賡述德篇昔日石田今百穫

范公遺硯有豐季

集中有句云十年困風塵萬里傷破甌悲先德也又云傳硯重披感心曲

紀祖澤也

橐筆蜂屯困禮闈和公門下忝傳衣大宋小桷渾無用

慙愧般斤誤一揮

集中有戊戌春闈卽事詩國藩卽以是役獲出門下

春官昨歲放衙回示我新篇火急催今日繼聲尋舊夢
眼光重與洗昏埃丁未會試師奉命知貢舉爲三
而未果也今周一歲
詩紀事出闌卽以示國藩比思奉和
矣此詩亦存集中

戊申四月門人曾國藩謹呈稿

丹魁堂詩集目錄

卷一

古今體詩一百十四首

卷二

古今體詩九十六首

卷三

古今體詩七十一首

卷四

古今體詩一百九首

卷五

古今體詩一百四十六首

卷六

古今體詩九十六首

卷七

古今體詩七十九首

丹魁堂詩集卷一

江陰季芝昌仙九

古今體詩一百十四首

塔燈歌次外舅儕嶠先生韻

佛光朗燭慧海波浮圖上聳凌長河金嵌丹漆始天竺
飛甍峻宇難接抄元奘取經建古刹烏曹瓴甓鳩工磨
鸚塔疊級勢崱峩虎塔倒影層巍峩題名瘞雁述功德
纏腰珠網圍檐阿月氏高侈八十丈虹髻迴帶雲鱗過
歐陽集說十六角晨納義馭昏姮娥和南弟子競聚集
諷誦釋典兼瑜伽鐘聲佛號沸天半旋轉震鼓并離羸

傳燈無盡百千蓋投拜婦女求耆婆蘭膏桂燄放頂踵
龍脂鳳腦騰飛坡明缸燦爛軼金藕蠟淚點滴傾銅荷
鐵鉤挂體焚萬炷焚身因果沙門多便誇聖火照上下
拯出地窖登頭陀香煙忽閃釋迦現禪杖倏動如來拈
南無卽可得舍利色相髣髴逢兜羅持齋人託少傅白
食肉僧賽將軍頗新檠製造娛佛眼花肖鄂不葉有難
峨眉神燈本光怪惜愚崇奉空傳譌長明歲久燄不滅
憑依未必非妖魔慈悲大士憫火宅肯耗錢物供飛蛾
轉輪坐化總荒誕徒假孟鉢迷檀那質釵典釧結香火
良宵頂禮矢靡他金鑪刮膜尙昏暗何時一夢醒平南

柯披裾捧帚願汎埽誰見解脫爲維摩繁星散落點空
際夜聞鈴語鳴清和雷峯亦蠹淨慈外雍門胡令白馬
馱孟顓成佛後靈運安得快語加斥訶城隍邑廟燈冠
郡燭貲燈費應同科高然寶炬燭百里窮黎感嘆盈江
沱君不見窮黎感嘆盈江沱世人佞佛奚啻晉二何

由里山房米囊花

綠綬緋衣豔影斜黃梁舊夢不堪誇歸田未許分清俸
卻看春餘御米花

昨宵風雨豈催租記得中秋帶月鋤千里客歸供給少
百年麤糲味何如

黃花何苦妬嬌柔祇有牆陰數本留
前年罌粟兩畦一
以蒔菊鋤去
樣含苞偏作態不會浥露已低頭

誰把干花比百驢雅人深致太相誣東君早作儲糧計
生怕今年米似珠

望雨呈外舅

龍生過後又分龍昨夜虛傳電掣空稻隴渴遲騎月雨
水窗涼透落梅風天非造榜炎輪酷石縱鞭陰旱魃雄
由里雙峯雲穩住出山心與主人同

卽事

涼意逼秋初藜牀竹簟鋪蠹飢攢果鼻蜂小立花鬚藤

蔓成瓜援秧田借草腴關心候時雨柱礎潤蒸無

題朱人鳳印譜

古者六璽皆用玉藍田美質礪溫其後來寶璽名互易
承天受命王者規漢人始定百官印公卿腰髀纍纍垂
金銀雜銅備三品環紐上戴紉中維懷黃鼻刻羔與鹿
紆青首蟠熊若熊褰囊燦爛裂繪帛望氣鎮壓埋琉璃
芒生十二角刊八五字不足足以之甄豐校書得繆篆
厥體創自秦李斯勢含飛動象屈曲九千增損史籀遺
法通科斗留古意細者蛇蚓巨虎螭頗類梓人爲筍簾
摹肖鱗爪兼之而畫圖書籍鈴首尾砂淘句漏猩紅披

民間標識有私記名字道號區尊卑幼君化光狀鬱律
長利午古形參差端居顏室昉李泌娘子家劉憑伯時
相沿唐宋制漸異何人刻石歧中岐山農王冕別擅妙
花乳磨琢藻采摛屏棄水晶及犀象獨於頑鈍傳神奇
青田發掘斷雲髓昌化穿鑿剝松脂芙蓉巖畔佛印供
壽山洞裏周客嗤處州燈明更瑩潤較勝窰穴青冬姿
就中工巧侔造化筆墨微奧縈精思方圓規矩循舊範
錯綜參伍隨時宜王詵僞跡亂真鼎米芾填寫勘鑰匙
昆吾刀刃若新發鉤須丁尾分毫釐姜王楊趙號該博
復齋史格窮津涯朱君與我少相友撫今倣古非夸辭

十年滌篆輯成譜得心應手無瑕疵花牋排顆燕窠落
錦標裝冊霞籤持畫如廣平腸挂鐵波如毛遂穎脫錐
清如玉櫛梳綠髮婉如柳葉舒黛眉疏如鴻爪踏雪地
密如蠶箔抽冰絲苔痕斑駁剔蝸暈梅花瘦硬橫虬枝
白文盤屈朵雲現朱文傾側瑤簪敲伏波不令犬外嚮
成皋肯使羊或移七疊九疊線紋古用三用一陽數奇
凸凹蟠匾各精緻芝泥油艾濡淋漓忽然變化超象外
鴻驚鵠峙魚撐鬐葫蘆珍玩賤依樣趺趾剝蝕邊隅劇
司農有時亦倒用曲陽但覺光陸離楊桓頰首龐籍服
雙鉤斗檢亡逋追開封筋篆免嘲訕臨窗展卷神融怡

勇摩壁壘樹赤幟俗工逞媚良可醫嗚呼噫蘇秦肘繫
六國印寶憲功勒燕然碑張顥掇破鵲化石孔愉路見
左顧龜人生銀艾不得志乃託小技雕蟲爲願鐫三字
平旱疫封侯斗大空嗟咨

時江邑苦旱

七夕竹枝詞

修得年年二七時霓裳霞佩證相思人間佳會都瞞過
說與雙星總不知

翦綵新成吉慶花蜘蛛蟠子網辰瓜天孫也被聰明誤
不落金梭乞巧家

家家小婦敝鍼樓終古難消兩地愁輸與嫦娥渾不解

獨攜靈藥守清秋

水拍銀盤到好嬉
癡兒騃女話佳期
明朝別淚成疏雨
又入騷人八夕詩

蓮瓣題句示內

蕉窗曾共詠殘荷
花事年光瞥眼過
欲去海中乘一葉
祇愁前路有風波

柬楊晉蕃孝廉

景曾

一廬幽僻子雲居
自喜紅塵插腳疏
俗士馳名成畫餅
先生待詔久公車
春風雁塔終題字
秋雨梧堂有賜書
我亦頻年作羅隱
雲英未嫁可相如

枕襪能將皓月修，廣寒七寶費雕鏤。文章未肯添蛇足，骨相應當喚筆頭。老圃黃花堪比淡，故家喬木最經秋。與君共染崔家疾，笨伯何妨笑史疇。

附錄和作

豹隱何須嘆瑟居，春風襟抱最蕭疏。連宵頻侍冬
郎席，入市爭看叔寶車。夜月句催銀管賦，曉寒詞
稱玉釵書。草元亭畔空秋色，願作雲龍愧未如。
佩襲蘭芬夙好修，空山寒木未彫鏤。處囊自笑藏
錐末，炊米何曾託劍頭。菊影夢搖珠箔冷，桂花香
隔蕊宮秋。褰裳得遂攀嵇願，黃鳥聲中肯願疇。

登高四首

秋風蕭颯滿江城心事難教百舌鳴
兩岸寒蘆無絮影霜天征雁有邊聲
參軍儘許嘲吹帽遷客由來感落英
安得長安舉頭近北山峯頂望西傾

霜葉飄零樹影孤重陽誰共插茱萸
空花慣喜生蚊蚋世事終難捋虎鬚
雨後鴉鳴催種麥林閒鳥語勸提壺
有人欲序滕王閣肯借清風一席無

落筆題糕莫更猜劉郎不及子京才
滿園菜色兒孫聚東坡擬菜詩蘆排闥山光妯娒來
黃菊未妨盈把采杜鵲那見入秋開
貧居頗怪吟詩穩祇願輸租有客催

丹魁堂詩集

卷一

六

護稻編篷白露寒茅龍衣作隱居看連朝戽水車聲緊
一夕腰鎌野色寬寄語良農休報賽生愁古井起波瀾
鄉人演劇報神有藉觀劇搶刈者登高且先羣公賦自喜蛙鳴不爲官

歲暮書感

凍雲如凍鱗作意釀飛雪雲低雪不成寒氣愈栗烈簷
沙鳥禿尾狡滑兔藏穴感此懷遠親中心愴欲絕敝裘
難期溫馬肝冷先裂平生不得志正坐避炎熱河冰鯉
魚斷無書慰離別惟有弄笛兒聲聲共淒咽

人生有遇合無遇良亦悲青齊閭邱子髫年任驅馳渭
濱太公望八十垂釣絲驂駒一何早夢熊一何遲冥冥

不可卜頗似歧路歧寄聲蝠與燕勿爭旦夕時
少陵客夔府遣悶發清吟禮遇豈不厚要非出世心君
看雕籠內時有翦翮禽低頭傍檐廡輒語流花陰遂懷
飲啄恩不敢思深林秋鴻昨夜過驕飛響遠音恨無凌
風翼與爾翔遙岑

次韻晉蕃黃梅花

羣芳旣零落春事恨不早中間著此花彌縫頗奇巧同
姓託梅兄黃裳耀素縞苞拆蠟丸濃色染麴塵擣胡不
酌鷺兒一破嫩寒悄而作冷生活詩囊爲傾倒新篇出
綺語酸儉洗郊島君看遊蜂窠蜜熟放衙曉羞蒙狗蠅

名下品失清矯甯學僧房磬尙覺開口少

臘日飲晉蕃沐芳齋主人索詩

酒闌鐘動觥籌錯燭花細碎當筵落主人恐我醉後狂
驅遣詩魔爲束縛檐前積雪冷未消階下寒冰厚難削
蠟梅一樹真可人濃淡相宜倚東閣旣邀咸籍來竹林

祝筱山

況有機雲入河洛

楊園干

酣歌高會能幾時別

賡颺思紛紛聞歡謔武昌昨夜達素書

廉訪嚴匡山丈鳥未

安枝欣有託便思樊口駕長風足躡高樓控黃鶴故人

諄語勸少留謂我攜珠莫彈雀龍梭挂壁待奔雷神馬
渡河宜迅躍囊雖脫穎會有期胡困泥沙挫鋒鏑君言

策我豈不然祇怕鞭難祖生著巨鼇海上戴三山驪鼠
腹中勝一勺古來烈士重功名飢寒到處功名薄登茵
墜溷且勿論當前盡此鷗鷯杓明朝酒醒誦新詩出處
無非燕巢幕

次韻酬夏伯田之成

既我新篇思不羣冷然清響奏桐君論詩有畫惟摩詰
識字能奇亦子雲郭外青山留鶴住門前秋水與鷗分
微吟不乏飄蓬感離緒縹如繭緒紛

談諧詩句詠簞簞失笑應噴筍飯香木偶跳丸逢世技
金仙垂髮背時妝狂歌頗惜燈檠短豪氣全消劍鋌長

聞道元崇方病疔可曾箇裏悟炎涼

君時患瘧

南蘭書懷

遙山不解閣斜曛天半誰知有斷雲祇許長沙悲屈子
更無商隱哭劉蕡霜林風急傳哀吹溪水秋添蹙浪紋
中散音容愴何許敢誇野鶴處雞羣

影形相弔鏡中身拓落方知世味真
蓼葉茼魚徒作苦桂枝胎蠹合嘗辛
恨思填海輸銜石恩感同車豈吐茵
墨突黔時誰側耳聲聲火烈爨勞薪

芭蕉覆鹿孰尋蹤得失都如夢裏逢
月有花身原幻樹雲多山態豈眞峯
弱齡莫割牛心炙舊壠難營馬鬣封

孟鉢久拋行腳慣
闍黎須打飯時鐘

畫堂蕭瑟燕巢深
漫比荆公捨宅心
醉舞牀頭先擣破
只搜海底爲珠沈
空箱衣服胡威絹
塵壁絲絃趙抃琴
秋雨潺潺秋水漲
順流木偶更誰尋

桃投旋見報瓊瑤
蚨影羣飛爲母招
得免縱多蹄未棄
騎驢重覓路應遙
本非祖約財須障
難使馮煖券盡燒
酬贈明珠皆淚點
空憐辛苦賣鮫綃

班超投筆氣嶙峋
庾杲偏爲入幕賓
馬惜障泥嫌渡水
魚貪釣餌喜垂綸
夢飛客思江湖遠
詩挾離愁雪月新
欲致五侯鯖味美
那堪容易換吳尊

懷晉蕃

秋心不可掬風吹渡江去與君別浹旬蘆洲落輕絮君
材如逸馬曾不受控馭我身若傷禽顧乃冀翔翥循途
已破甌畫策誰借箸天寒催授衣肯爲貧子恕回首楓
葉村去年題詩處一窗慣昏曉送此日月除

紅梅閣

傑閣倚危欄分風爲埽壇竹深幡影靜花落磬聲寒檐
鼠聽經熟池鷺換字難閒搜題壁句淡墨卻初乾

劉子容

浴

以試至江上屢索贈句別後卻寄

菊籬寥落酒帘斜相識何須縞紵加阿士文章爭蚤歲

更生經術本專家交情疏似春前柳別意寒於雪後花
聯袂幾時重踏月小橋東望暮雲遮

東陳五門觀

瞥眼春光轉蕙叢斜川游屐更誰同并眉瓶許開新碧
戶額符都褪舊紅餞臘寒慳三徑雪迎年煖試一番風
閉門自欲投車轄愛客猶當憶孟公

夢痕飛度玉欄干不分韶華自在看歲月何情加馬齒
身家無計累豬肝霓裳隊遠停仙奏風鐸聲繁夏曉寒
卻少禰衡懷刺意不將名字謁高官

梅花書院探梅邀五門晉蕃同賦

看月及未圓看花及未放花神無盡藏於此留真相橫
斜數十株含苞插煙嶂我恐花寂寥挈伴特相訪春風
一朝怒虬枝盡舒暢開當玳瑁筵折入琉璃帳聯翩詠
花人獻媚懼無當遂使山林姿得意驕屏障回頭晚放
花翻嗤寒瘦狀乃知物不遇猶未天真喪願分鴨綠波
爲我洗肝臟詩成倩誰和眼前有瑜亮

病中遣興

麥麴難醫腹疾魚避風偏遣效爰居寒添蘭箭攢盆後
香送茶旗颺水初忍病便參禪界靜廢書似與雅人疏
夢醒憶煞羅浮月開徧南枝總不如

病身未便擬枯魚竹屋柴門稱隱居晴雪已消聽雨際
好風慣入捲簾初心隨春漲分深淺夢逐寒鐘識密疏
不是憑欄人易瘦近來惆悵更誰如

偶成

觀我觀人總斷腸前因後果自評量烏驚月黑先辭樹
蜂識花衰不戀房埽葉寫經真懺悔撥燈尋夢足淒涼
早知新筍難成竹莫盼春來解籜香

時應甲
甫殤

東祝丈筱山

百十

捕蛇擊其尾率然在吾手射虱貫其心飛衛見而走先
生老詩將篇章璨瓊玖與我時過從青眼比春柳猥以

蟋蟀吟譽之不容口側聞古君子許與慎可否虛聲恐
純盜相誠意彌厚部婁雖土高詎可泰山友細流亦涓
涓豈得河海偶西施儻唐突益覺無鹽醜寄語孫興公
瓦礫方在後莫更薦陳平其中未必有

附錄和作

東坡論文章得天歸妙手昌黎參李杜籍湜汗且
走有美意在斯投李荷報玖壯也不如人秋零況
蒲柳伏聞古賢風不啻若自口脂韋易成習唯唯
復否否夙誦泉明詠相知謝不厚略識金與蘭心
素殊面友泰山同所瞻齊大患非偶西子眾所妍

東顰自增醜惟玉石琢磨有光耀前後飄飄乎凌雲憑君賦烏有

水窗夜坐有懷祝丈筱山楊君晉蕃走筆得二百字

涼風亦解事借我今夕秋披襟倚水檻耳目皆清幽吟蟬受飴膠曳聲落枝頭飛螢就波戲倒影疑星流有窗盡延月有簾都上鉤攬勝意未已懷人重綢繆祝丈近尺咫病店聞方瘳單裊怯棲宿孤鰈悲泳游頗欲網西施結網絲難求誰能買名花移春送香柔楊君城東彥讀書局小樓靈臺不蚤對博物老竇攸而我最多感身

復兼悔尤鹿因夢後失蛇況杯中浮觀人更觀我大抵
工窮愁惟當拓酒腸醉作劉伶侯還從狂瀾裏善保此
一漚一漚儻不滅便已歸瀛洲功名與富厚回視成贅
疣持問達識者我言猶信不

筱山丈見和雨中疊韻奉酬

溼雲懶歸山涼雨工鳴秋苔紋古而秀蝸篆明且幽我
恨檐溜急不放出一頭開軒聽遙語知是農家流今朝
又初三那見明月鉤茅牖遇積陰滲漏誰綢繆禾田病
行潦沈浸難夷瘳願使快晴早得與和氣游我聞坐太
息此豈智可求捧心但自苦繞指何能柔從來百尺梯

方登十丈樓不爾皆妄念恤恤空湫攸人事有橫逆江
風多石尤我思任天倪離合如羅浮書晒殷浩怪詩廢
張衡愁余情其信芳吾相固不侯鬱葱霜前樹飄泊水
上漚貧已累安邑傲欲淩滄洲君看方外客以生爲懸
疣吟箎更相寄尙肯和我不

再和酬筱山丈

拍岸水忽漲對門山已秋吾生本如寄且占林塘幽古
硯出井底名帖置案頭書頗列三昧語肯雜九流節曲
孰攜板釣詩先擲鉤明珠猥雙贈繫襦感綢繆痿人頓
思起積疾胡不瘳曩聞先生論刻意繩交游花妍香必

辨味美精益求惟願似漆堅無或成韋柔我謂友朋際
猶彼梯層樓陟級儻畏難逝若生魚攸張陳竟隙末後
來多效尤但宜識情性與之判沈浮勸飲當其量醉豈
號呶愁鄙哉婁家兒鯖得致五侯一心守金石凡事同
泡漚伊誰步仙蹤偕到海十洲此言雖太過能決先生
疣芻蕘亦可採聽之首肯不

哭儕嶠外舅八首詩成於丁丑初秋距外舅之歿
已八閱月矣

噩夢俄傳逼歲除不堪雨雪拜靈輿死真得地猶依
闕達不求名懶著書卅載文章翔閣鳳半生仕宦上竿

魚最哀壽亦齊韓杜屈指纔能五十餘

當年芸館吐奇芬夜夜青藜照校文每爲常何章代草
早知司馬賦凌雲荷囊

恩渥看猶在蠹簡塵封愴莫分坐覺江山少顏色翰林

風月杳無聞

江陰自庚戌後
無入翰林者

烏臺蕭蕭柏森森獬豸冠高自整簪避路人懷桓典法

上書

帝識賈生心竹多倔强彈蕉易鷹縱迴翔逐雀深爲語
繡衣收拾好尙餘霜氣滿前襟

淇園葉竹舊分符耳熟歌聲頌袴襦能使薦章推一鶚

肯教仙宰戲雙鳬涼州笑謝張常侍湖水工招范大夫
此日衛民知慟哭幾人遺愛說懸蒲

門前多少暮潮寒解組歸來把釣竿祇有嘯歌延座客
曾無請託到州官背人照弩心先病同舍償金事豈安
賸得一椽留未可移家何處著孤單

老向長安踏晚春蓋棺何遽哉間身後先握手論千輩
生死盟心見幾人寒月淒涼歸廣柳遺編料理待傳薪

少陵莫歎知音少交似嚴公本絕倫

謂匡山先生

樗材豈敢比羲之擇壻非同坦腹遲

子以三歲訂姻

八載舅甥

憐我慙一家父子辱公知愴深醉後常監酒痛憶吟成

許和詩獨有瓣香焚不盡眼前誰更是吾師

頻年書案件郎君慚愧難如匠石斤我或有成應亦慰
公先蚤謝更何云葬埋重付劉伶鍾悲悼長尋董相墳
尙借空齋寄蹤跡感恩知己淚紛紛

中元日得蔣莪涇見和秋字韻詩率爾答之卽東

筱山丈仍次韻

梵唄日盈耳誨人閒弈秋出門苦炎熱潛蹤幸深幽霞
箋忽來賁字小疑蠅頭不因癡絮險而阻溟渤流嗟我
怯詩敵鋒挫慙吳鉤竟如束芻篇疊咏三綢繆膏盲入
郊島寒瘦甯能瘳漫曳破底船力欲爭上游賴有同心

人聲韻切講求冀斂蛙鼓喧勉學鶯簧柔仙凡究懸隔
目眩十二樓胡爲過推譽健筆挽鄧攸貧子衣文繡豈
不招愆尤聞君與祝君酒中時拍浮每假無事飲共埽
有限愁新吟況相和勲策松滋侯我方煮山薺石鼎翻
輕漚聊償趙國城敢望謝朓洲何當得滑魚食之已瘡
疣虛名盡拋棄兩君許我不

中秋月色不明悶而就寢二更後晉蕃同人見過
強起閒步則冰輪皎然矣因得長句

強揩倦眼看金波佳客能來逐睡魔何處管絃迎月上
今宵褰屐過橋多秋雲易破羅空織夜宇重開鏡忽磨

不是羣公助游興幾令高枕負嫦娥

晉蕃招集蘭賢書屋賞桂

何來招隱樹徧種草元亭金粟酬花主天香聚酒星蓋
寬狂興斂石冷醉魂醒珍重攀枝者衣衫帶晚馨

山房

謂由里山房

有山桂撫樹日盤桓爲惜花如客真同柳

屬官君家餘舊蔭公等況清歡我獨成追憶歸來坐永
歎

獨坐

獨坐水窗東吟心觸處通霧山時露碧火塔尙留紅

興國

寺塔近

燬於火穿藻魚吞雨趨林鳥挾風卻嫌詩未足應入畫

圖中

晉蕃招同徐丈鑑峯

紹基

祝丈筱山雪飲

春前繫殘臘雪後澹晴旭詩懷底消滅歲事爲約束孝
廉寫澂襟丈人集芳躅從來旣伍噲此會亦前觸問途
儘淖淖著屐苦鞞疥漏深入座遲酒煖傾杯促便聞觴
政宣幸脫甌宰督尊拳老敢厭我心醉所欲射覆共狐
疑聯吟競貂續更思門秦趙忽議分蠻觸俯盞巧藏鉤
拈花喧對局大小戶遂判左右隊相屬懸河涸黃流舉
案報青玉應勸龍撈腸莫爲蛇畫足使君果英雄歡伯
乃烈酷豪氣猶未除暝色旋可矚明知主好客竟到月

爲燭又恐行路難或蹈泥塗辱遄歸隨棲鴉小詠效刻
鵠良宴倏聚散塵緣總羈拮飲劇常畏醒歲往豈能贖
苔固多同岑衣自有偏褻方安原憲歌孰貸莊周粟投
筆失顏紅挑燈尙煙綠

壽外祖問樵先生七十卽次自壽詩韻

鍊汞燒鉛術總非老猶狂健似公稀仙心大抵歸詩律
慧業從來寓道機家少俸田成鶴瘦門臨秋水飽鱸肥
黃花也自知稱壽儘勸泉明醉白衣

鸚鵡當年弄語柔玉盤紅荔佐晨羞共推馬援能消瘴
不信相如竟倦游梅嶺春陽原有腳羊城名士盡低頭

祇今邱壑棲遲穩，懶說曾披萬里裘。

久將聲價壓雞林，多少苔痕附遠岑。白首更堅貧後節，
黃金誰答散時心。老悲驥蹏神偏壯，睡吐驪珠醒莫尋。
卻喜朱絃彈激越，教人洗耳聽清琴。

陽元宅相望，幾空拊缶深。慚曲未工，幾度覆蕉徒夢鹿。
一秋凋柳又書蟲，自知性傲原非福。但覺塵喧便似聾，
悟得羊腸仍坦道。步兵底事歎途窮。

依舊難拋白紵衫，名韁千古絆重銜。煮從浪起魚應美，
鳳卽山棲鳥豈凡。長恐年華增感慨，那堪文字付鐫鐫。
史遷學儻傳楊惲，飲水當思海味鹹。

重陽時近點輕霜我亦生初載寢牀無礙會都看佛降
外祖與昌皆以九月五日生有機心早與翁忘最欣老子情如庾私
幸中郎澤在羊願降雙樽祝鴻案年年同飲百花香

送劉子容計偕入都

鳥飛苟沖天何必息羽翮馬馳能箭雲方不因衡軌劉
郎倜儻才談經奪重席廿一登賢書不遣再抱壁廿二
試南宮夜光惜輕擲明年

恩榜開春滿長安陌行將應

詔旨去作瀛洲客昨宵寓書來殷勤道蹤跡索我贈行
詩聊當繞朝策嗚呼功名閒欲語乃嘆喈登茵與墜溷

數固有順逆魚在或網空鴻冥轉弋獲譬如農有秋甯
論地肥瘠溉種卽不深一雨沛和澤但恐時命乖光陰
迅駒隙孟郊亦得第畢竟歲月迫大抵祖生鞭先著理
不易我長君五年龍門屢點額自憐秋江上芙蓉怨空
積頗有同心人勸我遠行役謂言豐臺花花擔盈千百
每見買花人歸去雜紅碧爭名者于朝斯語傳在昔我
豈不甚念疏嬾苦成癖孱軀況多病直枉計尋尺一日
腸九迴意靡有定適君家久淵源累世通朝籍堂堂故
相公勲業耀竹帛君今正年少學復富瑤冊八龍有龍
頭恰好君爲伯自當志遠大家聲紹烏奕山前夜月黃

岸上楓樹赤離緒忽紛然孤檠耿寒夕與君罕相聚矧
更遠相隔往哉倚靈樁枝葉蔭交格春來寄泥金庶慰
愁脉脉

歲暮雜感

獵獵霜風撼敝裘殘年景色黯生愁柳知春晚含青眼
雪向山飛易白頭十載詩書同過客幾家魂夢悔封侯
待擎千盞屠蘇酒著我中間飲不休

一帶寒流遶竹關俗塵八斗洗淙潺才猶難必遑言命
譽恐無真轉喜訕萍葉身家安瀚海鳥雛心性戀桓山
近來祇覺懷人遠唐棣詩篇未可刪

鶴羽離襪月影孤有人催駕賦驪駒

晉蕃將北行

夢因欲別

連宵短詩到相知一字無養背緣慳齋璫瑁藏身計穩
隱蜘蛛黃塵白雪功名路爭似氍毹坐擁鑪

倚欄獨與暮雲親茗椀沈吟意味真冷葉不紅難入畫

停波自綠豈關春淚彈寶劍悲知己

謂徐季韜

心繫明珠感

嫁人多謝遠書珍重語

適丁誦孫書至

江頭六六網龍鱗

伯田求在我圖次其自題詩韻

好鳥惜脩翰妍花弄幽馥我與我周旋斯語良可讀人
生本備物川嶽佐靈淑不識妙明心遂負空洞腹伯田
夙豪舉氣欲崑崙崙覆澄懷鑒秋波鈿穎斂飛鏃圖畫寫

雙身醜醜灌百斛漆園栩栩蜨變幻入君目箇中問形影事外悟臧穀願常慎所求勿羨塞翁福

余性不善飲良友歡會往往至醉醉輒作數日惡昔人有言酒既傷生所宜深誠賦四詩以志悔年來病酒等杯蛇百榼千鍾每自嗟敢爲聖賢重辨品未妨仙佛各成家坡公不過三蕉葉陶令能看幾菊花儻使中山長一夢醉鄉日月恐真賒

曾捧瓊卮禱酒星願如鯨腹吸滄溟青州最好春無限紅友能狂藥轉靈鄰釀借酣嗤畢卓婦言私聽愧劉伶養生先洗沈迷習肯向人誇我獨醒

班生不乞酒泉封，壘塊憑填阮籍胸。
瓠布光陰原腐爛，糟邱身世太疏慵。
東風祇自憐浮蟻，北斗何緣苦勸龍。
此後幸無多酌我，次公狂興已難逢。

握管私爲息壤盟，新篇一字抵千觥。
我真未得酒中趣，人莫便疑身後名。
醉啖茯苓難補過，醒看花月覺多情。
他年如更勝桮杓，風味還當念麴生。

祝丈秀峯

百五

自臨湖寄贈詩扇次前壽外祖詩

韻仍次韻奉答

千里相思夢轉非，秋風不遣好音稀。
可堪賦別憑江令，最重齊名有陸機。

謂筱山丈

眉儘容愁無礙，曲腰經入畫豈

論肥新篇細織天孫錦那使人閒作嫁衣

樓臺偶倚笛聲柔願曲殷勤卻自羞吞墨有緣拌水宿
舐丹何福竟天游招呼明月思攜手披拂仁風感聚頭
一霎光陰三十載耐寒須問晏嬰裘

私喜移家近茂林頗知雲影戀同岑傲如南阮常回眼
病到西施許捧心風雨夢應鄉國繫文章盟況弟兄尋
飛霞染盡天邊色願落松閒韻素琴

雲鬟慣說見司空新樣妝來幾輩工不舞未宜仍召鶴
可憐何必更名蟲身依病葉看全瘦耳枕清流聽半聾
如此相期恐孤負蓬山仙路渺難窮

來韻有相期合
到蓬萊頂句

浮花不放撲輕衫回首頻年石闕銜秋色易增名士感
高歌敢笑使君凡過門一樣彈長鋏老圃何人託短鑣
祇是未諳姑食性尙教辛苦辨酸鹹

多情深勸搗元霜好句狂吟夜撫牀知已再逢眞自幸
愛才逾格忍相忘每虞弱燕隨飛鳳且寫蹲鴟謝惠羊
爲語動搖懷袖裏滿身長帶令君香

附錄來詩

卿雲才調是耶非早歲人文若此稀玉貌似披三
月柳錦心疑織九張機春歸院落花都瘦夢醒池
塘草正肥慚愧年年壓金線綳綦猶是舊時衣

剛經百鍊始能柔落拓真忘伍噲羞畫餅熟知名
士習入廚思共酒人游卷中詩句誰青眼身外功
名付黑頭敢把零紈比狐腋幾能撫拾集成裘前贈詩有集腋成狐白裘之句

飛鳴無計倦投林巧語綿蠻聽遠岑倚市斷無傾
國色鑄金誰識愛才心思家念到忙時減耐久交
從澹處尋古調欲彈難索解壁間孤負爨餘琴

妙手從來說空怪他姪女數錢工可能繫帛憑
秋雁莫慢將冰語夏蟲筆硯欲焚心久折箏琶厭
聽耳如聾遙憐水閣湘簾畔瀾茗薰香興未窮

纔卸征裘又葛衫小齋杯酒記同衙豹方隱霧原
難測馬到空羣始不凡室有上流供愛玩文能壽
世足雕鐫臨河涉海尋常事若个能分淡與鹹
百不如人鬢已霜相思盡日繞藜牀新詩欲倩千
人寫舊夢真堪一笑忘肯把明珠輕抵鵲可知歧
路易亡羊相期合到蓬萊頂綵筆爭傳姓氏香
許潔齋任溪垂釣圖

新安山水稱奇特雲海蒼黃雨泉赤卅六蓮峯廿四溪
中間本是仙人宅仙人曹阮眇誰論坐撫任公釣石溫
樣此都名太守昉邨絃管賽黃墩當時記室承清宴

不比中書謝梅薦禪冊初從鄴府成騎兵便向梁臺見
一麾千里騁名駒才子生當剖郡符佛笑楓香三斗儉
吏安梅嶺百年無相傳五馬行春處自拂珊瑚把竿去
遺愛原居季重先嘉名合倩盧藩署卽今春水更秋波
枕漱亭邊滿綠莎姓氏動增千輩感煙霞想見六朝多
許君家在溪之曲望古遙情喜追逐庾信牀支宋玉居
謝安屐化荆公屋欲憑雲水問前因手引簷何獨繭綸
破浪乘風渾不事笠檐簑袂儘驕人客游半住芙蓉浦
故園花柳侯千戶丁卯家風別集題庚申幽築生綃補
新圖橫展夢應勞指點山樓俯遠皋一領羊裘真隱豹

幾人龍伯竟連鰲吾鄉近與江流接小閣低懸練光疊
照影空教擲翠鉤潛蹤那得翻紅鬣爲君讀畫重遲徊
暢好風流占阿堆何日富資晴漲裏共收香餌倒春醅

李景昉 寶璐 奉萱圖

慈本兒女花忘憂更宜男毛公傳伯兮樹背義夙諳遂
沿北堂解專謂母氏堪猶以椿況父厥旨其曷探芝蘭
與橋梓取譬徵古談涉筆一循省疑竇中心含新圖忽
相示金英攢兩三知君奉慈親色養馨陔南療愁但無
愁其順和樂湛有子且多子弄孫飴益甘命意亮如此
傅會非所參作詩發墨守 頤言質李昉

陸萊臧孝廉 我嵩 西湖詩夢圖

我非宗少文曾不苦老疾如何早臥游山水等閒失西湖
咫尺耳三日彼岸必嬾雲戀寒岫未肯無心出六橋
萬花柳夜半入我室擁被或成吟一醒幾能述

陸雲故善笑笑我夢境癡說夢不必夢尋詩真有詩畫
圖三四幅濃淡西子宜知君古錦囊昔歷奚奴疲人生
幾兩屐瑟縮終無奇邯鄲忽短枕浩渺長相思

湖上有仙子翩翩吳彩鸞 淑配吳氏家於杭州 高咏甲帳篇迴異

瓊臺寒咄哉林處士眷屬梅花看春草一回綠裊腰空
翠攢孤山信孤絕淡對何能歡豈如倚玉女同夢雙巖

安

君家三柳東煙波曠遐覽君才如井刀翦水寫詩膽干
山舊草堂千載餘芳擘壻鄉又佳勝得地乃兼善鶯花
知酒痕萼鱸動秋感誰曾化蝴蝶頃刻吟魂轉

茫茫揚子江大海此磬控峨眉發長嘯蛟蚪助奇弄湖
光媚晴雨江氣隘巖洞剛健與婀娜論書若雙中君今
采芙蓉秋潮管迎送他時證詩盟請君還寄夢

蕭子滂大江秋艇圖

飄泊秋心付蓼磯忽看畫幀儘眉飛青楊名早傳蕭脊
元圃光先照陸機萊賦有序海水移情同調少星槎鑿空古

游非何如一葉橫江遠手把芙蓉豔染衣

滿城風雨最銷魂繪事能工見女孫

圖爲女史潘淑畫

煙裏一

山懸石筏潮頭雙管劃巫門書原飽載供詩興颿不輕
揚穩鰣痕我自據牀三弄笛青谿相遇許忘言

題某運璧圖

士行古儒將典午倚屏翰觀其練核才果類趙廣漢中
原正多故不敢股掌玩運璧厲在勤而豈等蠶算吾儕
際清時出處迴然判擣蒲與博弈荒嬉應愧汗讀書與
射弓文武兩宜貫凡俗惜分陰片語思過半竹頭木屑
閒經猷幾能贊前賢惟善學陳迹漫重按并蠶且修治

甄影任晨盱以此叩陶公相悅期一粲

陳惕盟寒臆憶課圖

人生不合兒時過懊惱中年須自課終朝衮衮插紅塵
有味青燈竟相左陳君示我憶課圖雪巖幾疊梅幾株
知君績學本庭訓寒窗夜夜啼霜烏君之先人宦吳土
官閣風流如水部一經已勝滿籛金何況留遺貌鄒魯
君來江上羈壻鄉君爲蕭邑侯館甥雲閒士龍謂萊臧分瓣香催

詩刻燭

謂子滂

劇賡和問奇載酒真清狂願我頻年苦虛

擲一聲金縷秋娘惜祖硯徒傳業未成父書雖讀材何
適猛思丈席坐垂髫往往賓朋譽鳳毛水馬尙能支日

對家難敢厭弄霜毫口中石闕銜碑重牘有清芬許長
誦畫圖振觸舊辛勤霎眼春華忽如縱東方文史資三
冬期君益羅星宿胸初心儻不後來負還憶蕭齋今夜
鐘

秀峯丈客臘歸自臨湖見貽集玉溪生句七律十
首詩軸依韻爲謝卽送其仍之臨湖

屏隔琉璃畏朔風笙歌消歇不成叢文通易有經年別
方朔知無一事窮又報春歸芳艸草肯教霜冷轉孤蓬
祇今慚愧屠蘇酒倒殘傾尊已不同

余方
斷飲

章臺欲上竟三休慰我聲聲唱莫愁錦水自題紅葉怨

蓬山難問赤松游相逢說項眞非分一斗如髣恐誤留
深感殷勤持贈意忍徒含笑看吳鉤

畫圖曾拜少陵篇飯顆山頭瘦影傳

曩荷題洗研圖集杜二律新樣

龍文扛益健當時懶祭見應憐百花碎鎖千重錦獨調
齊翻四十粒每徧循牆每狂咏夜深燒燭不知眠

眞箇靈珠一握新瀛洲十八指前津鴛鴦心事花能識
蝴蝶生涯夢亦親多少雲煙憑搗麝近來風雨許攀鱗
明知腰腹原難副乞佩飛霞最可人

皆指惠贈各件

前身合住大羅天譜出霓裳字字圓玉屑儘霏修月斧
珠宮爭賦衍波牋豆紅南國通芳訊草綠西堂隱醉眠

悵絕更能消一闕

每酣飲時輒誦稼軒此詞不厭

匆匆春又是今年

譬諸臭味敢差池卻好幽蘭茁幾枝抵鵲枉拋和氏玉
畫蛇羞奪舍人厄鶯花檢點閒中夢鮭菜安排去後思
我未出門先悵悵可憐光景有心知

即擬北上

萬斛平量庾信愁倚欄振觸暮雲悠兩家春色楊爲巷
尺地波光芥作舟洛下盡思中散度濠梁重溯謝公游
尊韻第七首中感及先君子與先外舅過壚聞笛渾如此悽切孤羣只叩
頭

擬共家山韻事清遠書催放畫船行春潮帶雨非人意
冷燭無煙豈世情不信名香深幕老那堪佳語大河橫

相攜莫忘雙柑在俗耳鍼砭仗此聲

七寶莊嚴廣座開傳聞瑟瑟聞玫瑰通辭未必逢神女

獻曲何因服善才病肺潤宜承露盞輕身飛有避風臺

浮生三十回頭誤

尊韻兼及賤辰三十初度

計日先輸太白杯

塵勞未下讀書帷踏破苔痕選石墀貪接古歡邀不落
滿收春恨贈將離幾能眠起隨仙柳遮莫科名飾瑞芝
碧海青天終不遠兩心鄭重託常儀

題青浦周泉南

郁濱

十柳田家圖時予將有北行

有田不歸如江水東坡前言猶在耳薄田可以具餐粥
王通讀書方自足我家負郭無半畝借地參軍復何有

坐令楊柳笑封侯大抵飢來便驅走泉南山人湖海豪
吳淞快翦并州刀染衣九烈不解事奇才淪落慳藍袍
古之學者兼重耕小江邨泉南所居外煙鋤橫東皋舒嘯樂
天命卽今重見陶泉明泉明五柳君十柳春風倍比柴
桑厚先生自傳君自圖舊傳新圖俱不朽吁嗟乎柳絲
繚繞柳帶拖柳花撲面愁若何求田問舍計果遂世上
離別應無多君不見灞橋攜手天涯客一樣長條黯春
色

中秋感懷兼寄南園諸友

皓魄當頭桂影搖

帝城秋色寫清超頻年矮屋圓前夢特地

溫綸借此宵暫客敢憐鄉思遠一寒早許

聖恩邀

京兆試展期九月旋有以其時氣候較涼頒給料被

旨故人辛苦知多

少卻問南風燭幾條

由里山房小集分韻得由字

去年遠作京華游山房好景成離愁今年遽返江上舟
三山天風不我留連朝澍雨鍼秧抽新碧一望彌平疇
閒懷早共盟鷺鷥水窗探借軒楹秋調冰公子健唱酬
酒酣闋韻如裏般凡六湘簾四卷風爲鉤小閣便可遙
山收山靈喜我非繆悠歸詠未遣煙嵐羞留賓追暑憑

觥籌俗塵欲撲將何由明年楊柳青陌頭別情重入蓉

江流

時重讀蓉江送別圖

此歡此會消百憂忍使對竹無王猷

夏稊薌孝廉

翼朝

招集蠅廬新築爲萊臧大令餞

別卽席分韻得集字

杜陵茅屋秋風襲廣廈空吟但羞澀夏侯赤手搗幽棲
眼前突兀軒楹葺鳩工未竟延客來射覆拈花觥政急
柳東陸子正飛鳬衫袖尙餘新柳汁功名第宅各成就
考室攀轅宜此集今朝良會須盡懽明日河梁手親執
相思嶺外訟庭閒荔膳蘭羞陳雅什

稊薌送萊臧詩有荔支爲膳蘭爲羞

之若當遠寄草堂貲尖合浮屠層七級

坐中語及之

喬雲客學博

普

招集竹柏得真之室以白雲在天

蒼波無極八字分韻限五古拈得雲字

翠柏障斜日脩篁引南薰此閒坐忘暑真意良所欣齋
廚饌苜蓿吏隱宜廣文留賓富盤饌欸洽何殷勤卅年
結習抱詩卷多如雲老蒼感相聚話舊悲愉分迎

鑿夙獻賦橐筆有同羣梁園逞才藻蓮幕濃香熏

學博與先

外舅有舊曾偕

赴朝歌官署校書入

祕殿玄豕釐典墳遂緣行優異職以司茆芹江干故人
里振鐸猶相聞賤子寄甥館泰山綴亭云深念疇昔交
情誼彌無垠銜杯接清暇不飲心已醺樹陰滄苦莽眾

綠當策勳諸公詠而歸庶足張吾軍

周花農

樽元

貽美女篇用東坡贈段屯田韻次韻

答之

雙眉可圖百一面乃妝半人情異愛憎眾理雜感歎宿
瘤號東郭偏寵若珍玩齟齬悅登徒中溺匪外散相歡
每忘醜刻畫無鹽伴深恐入宮時唐突到施旦有美采
芙蓉遺錦愧報案香痕溪水流月影簾珠亂儘泛雲英
漿肯捧懷嬴盟滿堂盡脩姱滅燭尙嫌緩躋哉我見憐
妬語仍舊貫私擬繫衣裾微防逐風慙妍媸判鏡銅輕
重準衡炭惠好許同歸楚臺與吳館染唾喜餘嬌擁背

借新煖賦詩當綢繆子今如此粲

花農屬題蓺洲漁笛圖

古音古律爭豪芒八十四調嗟淪亡陰陽清濁罕窮究
倚聲琢句徒短長花間十卷始編集猶本初體爲評量
尊前自是宋人手雅詞妙選紛會黃草堂往往採名雋
耀文所錄羅繁香我

朝

御定九千首下泉有明上俶唐

敕頒全譜派源委藝林快覩華嚴裝十六家後競輩出
箏琶淨洗調笙簧花農餐飽越溪秀聲聲驚起湖鴛鴦

鴛鴦湖上聽漁唱。擬入風笛。皆成章。章成便命畫師畫。
草窗逸韻傳悠揚。君家清真最華豔。片玉疑夏崑山岡。
規撫追和到千里。如臨晉帖。崇鍾王。宣城少隱學張李。
竹坡標格刊穠芳。濟南公謹嗣羣雅。贊洲協律尤擅場。
家風濟美足珍重。宜換徵羽移宮商。我聞詞人寫情性。
貴於蘊蓄。窺中藏。裁雲縫月自排遣。解者猥以時事當。
晏殊修辭特婉麗。豈知夙抱偏剛方。歐陽小令頗依約。
風懷忠惻何分疆。刻舟求劍冀必得。拘墟見笑來蒙莊。
乃識鶯嬌與花彈。不緣骯髒虧雄強。鷓鴣幾闕或傷俗。
波底紅淫留斜陽。涪翁諧顚亦遺憾。高語獨造逾尋常。

樓臺七寶炫君特擊碎那盡珊瑚光野狐精化射鵰毬
一人翦刻殊低昂君才突欲駕前古每覺味俊鮮鱗鱗
填腔定乞柳永作註拍須遣姜夔忙屠龍餘技問誰敵
急下一轉君其詳蘆川集首送待制仲宗身累歌慨慷
三中三影苦分別子野竟未詩名昌飲酒無聊偶相共
此意詎屑耽壺觴不龜手藥百金市并滌統匪封侯償
煙波釣侶莫輕夢願拋兩笠宜霓裳柯亭良竹鼓遙響
紫雲迴按天蒼茫青蘋風動萬籟應奇石夜裂神魚翔
歸來脫帽把竿餌然後素壁斯圖張我吟發噤拂絃誤
時時顧曲期周郎

疏薌移居子滂以詩索和次韻

漫吟夏屋句新編呼引看乘大願船入世幾能金布地
斯人真許筆爲椽雲窗霧閣須頻賞泉南有雲窗霧閣小蓬萊句疏薌極
愛之城市山林亦兩全絕妬平分嵐翠去開門由里勢蟬
聯

雙楹賴有異書撐搜帳非徒得論衡仙界自夸元相宅
騷壇先整亞夫營商量種竹鋤煙地指點呼茶踏月程
大庇歡顏報辛苦不嫌太瘦可憐生

放翁生日有懷萊臧閩中次子滂韻

又說生朝祝放翁去年尊俎幾會同鴻飛朔雪渾離恨

鼻入南雲豈素衷似子才猷追鼻祖有人詩句愈頭風
適患短牋漫和蕭長倩擬向相思嶺外通

楊研培 希鈺 聽鶯圖

別君曾幾時玉山隔瞻眄昨晨報我書令我畫圖展殷
勤索我詩屬我前言踐斗思九夏日促坐共敦勉呼風
倚檻涼踏月遶橋轉良會一須臾回頭如數典君圖寫
聽鶯君意知者鮮爲言黃栗留纖羽兼三善嚶鳴況求
友遷喬喻通顯鍼砭與鼓吹風雅更首選美哉此命名
深人語無淺君於朋友交惻欵出忠謇睨睨流好音清
風時可緬君具閬苑才遭逢惜屯蹇年年擲輕梭花樣

竟誰辨君家樾蔭濃公子金衣翦和鳴環新聲茂綠隱
層巘竭來飛

上林百囀依

遊輦終當入簫韶鳳笙雜清輶樾熟未訝遲櫻含豈辭
臍尋常枝上啼柑酒暫消遣劉郎證登第嘉話請重衍
僂指又春風有情容未免

黔縣訓導薛石樵年丈

鳳煥

東海婆娑洋觀日圖

先生不合冷官冷胸次蒼茫拓奇境吞若雲夢

平八九

來寫將弱水三千影當年破浪快乘風指點臺山巨浸
中絕笑開皇勤遠略車書未遣虎賁同我

朝疆里恢前古諸羅南北皆綏撫捧冊天浮星使槎貢
琛地獻蕃封譜祇緣滄海不揚波多向澎湖汗漫過底
事灘猶說惶恐可知洋本號婆娑娑娑洋與樽桑近義
和整轡寅賓謹蛇掣金光萬道寒烏騰火翼千山隱泰
岱爭誇日觀峯銅鉦曉挂大夫松豈如鹿耳門雙敞夜
半騎鯨看燭龍振衣濯足豪情恣飄飄便有凌雲思壓
倒先登元白壇從游擬奪松喬幟太息蓬瀛路阻脩木
岡嵐翠小句留溟鵬鯤化飛旋倦冠雀鱸銜瑞許收尋
陽臺訪青蓮釣黥縣有太白釣臺明月連鰲引同調放眼難爲
溝澮流舉頭命補鬚眉肖芒屨獨步大荒邊聳削雞籠

欲到巔卅六島環初旭吐估船香恰十更全汪波何止
論千頃仙骨飭然攬霞景塵世渾甘下土牀玉山好染
良工穎轉思弱歲拜陶臣南浦牽裾送別辰庚申冬先
君子同赴
公車昌時方十歲野馬流光紛感舊潮雞迭唱又催人卽擬計
偕北行
畫中徧覺天風盪湧碧瑠璃浴嗽上心喜會無向若驚
手捫已抱探湯想赤嵌城迴幅員寬拔俗須馳域外觀
我借此圖窺海日東莫謂扣銅槃